

事物異名錄

事物異名錄卷三十四

慈谿 厲靜菴先生荃 原輯

仁和 關晉軒先生槐 增纂

果部

總名

核果 膚果 殼果 檜果 角果 蜀都雜鈔果有

五棗杏等謂之核果梨柰等謂之膚果椰子胡桃等
謂之殼果松子栢仁等謂之檜果大小豆等謂之角
果膚皮膚可啖也檜字書粗糠皮謂之檜

梅

酢 埤雅梅一名柟其實酢

青子 梅譜桂林立春梅已過元夕則嘗青子

曹公 夢溪筆談吳人多謂梅子爲曹公以嘗望梅止渴也又謂鶯爲右軍以嘗寫經換鶯也有士人遺醋梅與燐鶯作書曰醋浸曹公一瓶湯燐右軍兩隻和鼎實 黃庭堅詩古來和鼎實此物升廟廊按謂梅也

乾蓀 周禮饋食之籩其實乾蓀註蓀乾梅也又廣志蜀名梅爲蓀大如鴈子

乾腊 山海經雲山之上其實乾腊註腊乾梅也桃

瓊實 幽明錄劉晨阮肇共入天台得山上數桃啖之

見二女固邀還家勅婢云二女郎雖得瓊實腹尚虛弊
可速作食

仙果 本草綱目昔人謂桃爲仙果

餘甘尉 清異錄鄴中環桃特異後唐莊宗曰昔人以
橘爲千頭木奴此不爲餘甘尉乎

桃梟 桃奴 梟景 本草桃實已乾著木上經冬不
落者名桃梟味苦微溫療中惡腹痛一名桃奴一名
梟景

李

嘉慶子 韋述兩京記東都嘉慶坊有李甘鮮人稱爲
嘉慶子

居陵迦 本草綱目梵書李曰居陵迦

朱實 謝元暉詩夏李沉朱實

碧實 韓愈詩冰盤夏薦碧實脆按碧實謂李又吳淑

桃賦響碧實於西遊是桃亦名碧實

夏李 鼠李 述異記李大者謂之夏李尤小者呼爲

鼠李

杏 附巴旦杏

甜梅 江南錄楊行密改杏爲甜梅

金剛拳 農書北方肉杏甚佳赤大而扁謂之金剛拳

八擔杏 忽鹿麻 本草綱目巴旦杏一名八擔杏一

名忽鹿麻又八擔或作八丹或作八達 巴旦杏

梨

山檮 爾雅梨山檮疏在山曰檮人植曰梨

百果宗 南史張敷曰梨是百果之宗植何敢止也

快果 玉乳 青田果 元圃實 本草綱目梨一名

快果一名玉乳又名青田果元圃實

蜜父 清異錄建業野人種梨者詫其味曰蜜父

百損黃 清異錄一益百損者梨蜜氏曰梨爲百損黃

五藏刀斧 山堂肆考唐李建勲連食數梨賓僚有曰

梨號五藏刀斧不可多食

奈

掩蘊 博雅掩蘊奈也

頻婆

本草綱目柰梵言謂之頻婆今北人亦稱之與

林檎一類二種也

相思果

翻譯名義頻婆此云相思果色丹且潤

林檎

來禽

廣志林檎似赤柰子一名來禽言味甘熟來衆

禽也北人呼爲頻婆果

聯珠果

文林果

洽聞記唐魏郡人王方言種林檎

進於高宗謂之聯珠果因賜方言文林郎故又名文

林果

花紅

沙果

編珠林檎俗名花紅大者名沙果

楸子

本草綱目林檎卽柰之小而圓者其味酢者楸

子也

櫻桃

附山櫻桃

舍桃 禮記仲夏之月天子羞以舍桃註以鶯鳥所含故名舍桃

荆桃

爾雅楔荆桃註今櫻桃也

崖蜜

鬼谷子崖蜜櫻桃也

牛桃

英桃 博物志櫻桃一名牛桃一名英桃

麥英

朱菜 吳氏本草櫻桃一名麥英一名朱菜

櫻珠

卑雅櫻桃本名鶯桃小者爲櫻珠

蠟珠

楊膳夫錄櫻三種蠟珠最美

紅珠

白居易詩櫻桃子綴小紅珠

金丸 白居易詩金丸大小勻按謂櫻桃也

火齊珠 劉原夫詩磊落火齊珠按謂櫻桃也又玫瑰亦名火齊珠

紅韎鞬 文同朱櫻歌翡翠一盤紅韎鞬

朱砂果 徐時夏初夏卽事詩櫻桃初染朱砂果

朱桃 麥櫻 英豆 李桃 柰桃 本草綱目山櫻

桃一名朱桃一名麥櫻一名英豆一名李桃一名柰

桃樹如朱櫻子小而尖 山櫻桃

楊梅 附水楊梅

日精 雲仙雜記陸展見楊梅嘆曰此果恐是日精又

霞與菊花皆名日精

君家果 世說楊氏子九歲甚聰慧孔君平詣其父不在乃呼兒出設果果有楊梅孔指以示兒曰此是君家果兒應聲答曰未聞孔雀是夫子家禽

楞梅 能改齋漫錄越州人呼楊梅爲楞梅

火寶 杔子 廣事類賦楊梅一名火寶又名杔子又本草補遺杔子山楮一物也

聖僧 類書揚州呼白楊梅爲聖僧

驪珠 陸游詩未愛滿盤堆火齊先驚探頷得驪珠按謂楊梅也

地椒 本草水楊梅一名地椒 水楊梅

枇杷

盧橘 彙苑今廣東呼枇杷爲盧橘其葉名無憂扇又
本草綱目以金橘爲盧橘

蟪兒 清異錄建業人種枇杷誇其色曰蟪兒又貴耳
集作蟪兒

焦子 廣志枇杷無核者名焦子

炎果 謝瞻枇杷樹賦成炎果於纖露又本草一名炎
精

金珠 蘇軾詩枇杷已熟粲金珠

黃金丸 宋景文詩樹繁碧玉柯子疊黃金丸按謂枇
杷也

石榴

若榴 廣雅若榴石榴也

金櫻 天中記杭州號石榴爲金櫻避錢武肅諱而起也

天漿 酉陽雜俎石榴甜者名天漿

三尸酒 本草綱目道家書謂榴爲三尸酒言三尸蟲得此果則醉也

錦香囊 紅豆顆 莊布石榴歌霜風擊破錦香囊鸚鵡啄殘紅豆顆

血珠 白居易山石榴詩日射血珠將滴地

葡萄 附蔓莢

蒲桃 本草綱目葡萄漢書作蒲桃可以造酒

草龍珠 西陽雜俎葡萄沙門曇霄植之仰觀若帷蓋
房實磊落時人號爲草龍珠帳

賜紫櫻桃 清異錄溫庭筠曰葡萄是賜紫櫻桃

黑水精 本草葡萄 名黑水精

冰丸 古詩酒酣試取冰丸嚼不說天南有荔枝按謂
葡萄也

馬乳 韓愈葡萄詩滿盤堆馬乳

金瑯瑤 唐李謙詩滿架高撐紫絡索一枝斜擲金瑯
瑤按謂葡萄也

甘露乳 吳澄葡萄詩見此西涼甘露乳冷然齒頰生
寒麻

燕與 嬰舌 本草綱目嬰與與蒲桃無異其實小而
圓色不甚紫一名燕與一名嬰舌一名山葡萄一名
野葡萄 嬰與

桑椹

文武實 本草註桑椹熬膏治瘰癧名文武膏以椹名
文武實也

荔枝

離支 本草綱目荔枝司馬相如上林賦作離支
栢枝紅 花譜荔枝一名栢枝紅

側生 黃庭堅題貴妃齒痛圖豈非多食側生動搖其
左車乎按側生謂荔枝左思蜀都賦荔枝側生

壓枝天子 釘坐真人 清異錄閩士臨川人會京師
各舉鄉產閩士曰我土荔枝真壓枝天子釘坐真人
天下安有並駕者

丁香子 開元遺事明皇命方士以藥傳荔枝根得核
小宮人呼爲丁香子

奇實 北戶錄荔枝其肪瑩白不減水精性熱液甘乃
奇實也

紅雲 表異錄劉鋹每荔枝熟設紅雲宴

赤蚌珠 紅犀角 冰蠶繭 火鳳冠 陶弼荔枝詩

赤蚌遺珠顆紅犀露角端又一簇冰蠶繭千苞火鳳
冠

鵲頂鮮 韓偓詩葉翹金盤鵲頂鮮按鵲頂鮮謂荔枝也

蘋虬珠 海山仙人 蘇軾食荔枝詩冰盤薦此蘋虬珠又海山仙人絳羅襦

皺皮生 蘇軾龍眼詩獨使皺皮生弄色映珊瑚
皮指荔枝

晚紅 陸游詩北嶺空思劈晚紅按謂荔枝也

水精丸 歐陽修浪淘沙詞荔枝初丹絳紗囊裏水精丸

龍眼

龍目 比目 山堂肆考龍眼一名龍目一名比目

驪珠 燕卵 蜜脾 鮫淚 本草綱目龍卵俗名圓

眼一名驪珠一名燕卵一名蜜脾一名鮫淚又楊梅

亦名驪珠

益智 稻舍草木狀龍眼一名益智言味甘歸脾而益智也

海珠 清異錄賈人自嶺外還得一枝龍眼已鹽乾凡四十圓其千枚至荆南獻高保勉因作小琅玕檻子立置之曰海珠叢

荔支奴 南方草木狀荔支過龍眼即熟故謂之荔支奴言常隨其後也

亞荔支 海錄碎事龍眼一名亞荔支

繡水團 川彈子 清異錄龍眼金但知其名繡水團

川彈子而已

聰明丸 劉孝勝益智詩寧推不迷草詎識聰明丸

柿 附柳柿君遷

鎮頭迦 本草綱目柿一名鎮頭迦

朱果 事物合璧柿朱果也又說文柿赤實果也

丹果 孔平仲詩林中有丹果按謂柿也

蘋虬卵 韓愈詩懸雲燒樹火實駢金烏下啄蘋虬卵

其柿也

漆柿 青柿 烏柿 花柿 赤棠柿 本草綱目柿

乃柿之小而卑者故謂之柳柿浸汁可染諸物故有

漆柿之名又名青棣烏棣花棣赤棠棣又青棣或作

綠棣 棣柿

楨棗 棣棗 紅藍棗 本草綱目君遷即楨棗一名

棣棗一名紅藍棗其木類柿但結實小而長狀如牛

奶即今牛奶柿也一種小圓如指頭大者名丁香柿

味尤美按李時珍曰柿之小而如折二錢者謂之猴

棗殆即楨棗歟 君遷

橘 附金橘

木奴 獨異志李衡種橘千樹謂其子曰吾有木奴千

頭可為汝業又本草綱目謂柑為木奴

金香大丞相 清異錄莊宗進新橘命諸伶咏之唐朝

美詩先成曰金香大丞相兄弟八九人

金衣果 野客叢書吳均橘賦金衣之果亦委體於玉盤

李衡奴 羅隱詩金顥李衡奴

棲 涪翁雜志武陵有一種小橘名棲疑卽今之金橘
以下金橘

小木奴 元稹詩金丸小木奴按謂金橘也

黃金彈 黃庭堅金橘詩霜枝搖落黃金彈

金柑 山橘 夏橘 給客橙 本草綱目金橘一名

金柑一名山橘此橘夏熟裴淵廣州志謂之夏橘魏
王花木志謂之給客橙以其芳香如橙可供給客也

讓木 江隣幾雜志橘樹直竦枝葉不相妨蜀人謂之

讓木 橘樹

柑 附佛手柑

金輪藏 清異錄李甘家號柑子爲金輪藏

瑞聖奴 清異錄天寶年內中柑樹結實帝日與貴妃

賞御呼爲瑞聖奴

甘心氏 清異錄皮光業號茗飲一日中表請嘗新柑

纔至呼茶甚急題詩曰未見甘心氏先迎苦口師

黃苞 潘岳笙賦披黃苞以授柑

黃甘 相如上林賦黃甘橙榛註郭璞曰甘橘屬而味

精

溫尹平陽侯 蘇軾黃甘傳黃甘拜溫尹平陽侯封其子爲穰侯

飛穰 藝海洞酌佛手柑一名飛穰 佛手柑

橙

金毬 鵲殼 羣芳譜橙一名金毬一名鵲殼

香櫟 山堂肆考香櫟橙子別名又香櫟或謂卽柚之大者或謂卽香櫟

柚

條 埤雅柚一名條秦風所謂有條者卽此

蜜團 原始今江南產大橘名曰柚俗呼蜜團

壺柑 臭橙 蜜甯 朱櫟 本草綱目櫟與柚同一

名盡柑一名臭橙今人呼其黃而小者爲蜜甯其大者謂之朱欒最大者謂之香欒爾雅謂之櫟又曰櫟

香欒

枸櫞 香圓 本草綱目枸櫞一名香欒又橘錄或作

香圓或作香欒

木瓜 附榧櫛櫛子

榧 爾雅榧木瓜註實如小瓜酢而可食

鐵腳梨 清異錄木瓜性益下部若脚膝筋骨有疾者

必用焉故方家號爲鐵腳梨

繡瓜 陸游木瓜詩宣城繡瓜有奇香

癭櫛 癭櫛 木李 木梨 本草綱目榧櫛一名癭

榼一名瘡榼一名木李一名木梨

以下根榼榼子

木桃 和圓子 本草綱目榼子一名木桃雷公炮炙論和圓子卽此也

榼梓 本草綱目榼榼乃木瓜之大而黃色無重蒂者也榼子乃木瓜之短小而味酢澀者也榼梓則榼類之生於北土者也三物與木瓜皆是一類各種

白果

靈眼 銀杏 瑣碎錄北人稱爲白果南人稱爲靈眼宋初入貢改爲銀杏

鴨腳子 格物論銀杏一名鴨腳子因葉相似也

平仲 正字通左思吳都賦平仲楮榼註劉成曰平仲

之木實如銀陳藏器以爲卽銀杏也

佛指甲

舊浙江通志銀杏俗名佛指甲

橄欖

附餘甘

諫果

齊東野語橄欖曰諫果

忠果

羣芳譜橄欖一名忠果

青果

學齋佔畢橄欖雖熟亦青故謂之青子亦謂之

青果

感學

圖經感學俗作橄欖

格覽

郝經橄欖詩註南人謂之格覽

柯欖

齊民要術東岳呼餘甘柯欖同一果耳按此則

橄欖亦名柯欖

木威 南威 廣志東向枝曰橄欖南向枝曰木威又
名南威

菴摩勒

羣芳譜餘甘形類橄欖一名菴摩勒

以下餘甘

味諫

黃山谷詩註餘甘一名味諫今稱諫果按餘甘

形圓澈欖形長同一物耳故皆有諫果之稱

胡桃

播羅師

本草綱目胡桃一名羌桃一名核桃梵書名

播羅師

蝦蟆

草木子胡桃仁曰蝦蟆胡桃仁

菴摩勒

聖花兒

清異錄以謂菴是聖花兒

百益紅

清異錄百益一損者棗醫氏目棗爲百益紅

棘實

孔叢子棘實謂之棗桑實謂之葦

紅皺

竹塏詩話韓退之城南聯句云紅皺晒瓦簷黃

團繫門衡紅皺當是棗

木蜜

太平廣記木蜜棗子也

細腰

廣志棗名細腰又梓與杆神皆名細腰

羊角

雞心 表異錄古詩風搖羊角樹日映雞心枝

羊角雞心皆棗別名又荀與薜茈皆名羊角

鹽官棗

萬歷杭州府志鹽官棗今俗呼羊冠棗

栗

河東飯

清異錄晉王嘗窮追汴師糧運不繼蒸栗以

食軍中遂呼栗爲河東飯

篤迦 本草綱目栗梵書名篤迦

芋栗 埤雅江南有小栗謂之芋栗人謂芋爲芋誤栗

栗荻 本草綱目栗實內薄皮名栗荻 栗皮

栗蝟 庶物異名疏埤雅云栗有栗蝟自裹謂栗房也

栗房

榧

被子 赤果 本草綱目榧實一名被子信州玉山縣

者爲佳土人呼爲赤果亦曰玉榧

玉山果 蘇軾詩彼美玉山果繁爲金盤實按謂榧也

松子

玉角子 能牙子 貴耳集建業間新羅使者多攜松
子賂公卿家問其名有玉角子能牙子

枳椇

蜜楂椇 蜜屈律 木蜜 木錫 木珊瑚 雞距子

雞爪子 雞橋子 結留子 本草綱目枳椇一名

蜜楂椇一名蜜屈律一名木蜜一名木錫一名木珊

瑚一名雞距子一名雞爪子一名雞橋子一名結留

子按木蜜古今注作樹蜜又枸與棗子亦名木蜜

棘枸 本草枳椇子俗呼爲棘枸

椇

椇斗 皂斗 櫟椇 柞子 本草綱目椇實一名椇

斗一名皂斗一名櫟球一名柞子

苞櫟 詩山有苞櫟註皂斗也

杼斗 陸璣詩疏徐州謂櫟爲杼其子爲皂斗今京洛及河內多言杼斗或云櫟斗又說文櫟作樣

柞實 周禮大司徒其植物宜皂物註今世間謂柞實爲皂斗

木連 古今注杼實曰櫟東海及徐州謂之木連

甘蔗

都蔗 諸蔗 逸雅甘蔗亦曰諸蔗曰都蔗曰諸蔗或作肝懸

竿蔗 本草綱目甘蔗側種蔗出故字從蔗稻舍作竿

蔗謂其莖如竹竿也。離騷漢書皆作柘字。又名諸出。許氏說文蓋蔗音之轉也。

諸柘 容齋隨筆子虛賦所云諸柘已。且諸柘者甘蔗也。

石蜜 留青日札廣右甘蔗色白而其細其堅如竹。名曰石蜜。又蔗漿煎之爲糖亦名石蜜。

黃金纈 清異錄邱鵬南出甘蔗啖朝友云黃金纈甘露子。

地蠶 土蛹 續博物志地蠶一名土蛹味甘故名甘露子。

草石蠶 食物本草草石蠶卽甘露子可爲菜亦可充。

果

榲

櫟榲子 本草綱目榲實木強故俗謂之櫟榲子

椰

越王頭 南方草木狀椰實俗謂之越王頭昔林邑王與越王有怨遣人刺得其首懸之於樹化爲椰子當刺時越王大醉故其漿猶如酒云

胥餘 本草綱目椰子一名胥餘

椒

檳 爾雅檳大椒註今椒樹叢生實大者名爲檳

陸檳 通志椒曰陸檳曰南椒生漢中者曰漢椒蜀中

者曰蜀椒巴中者曰巴椒又食物本草秦椒名花椒

蜀椒名川椒

扁鵲銘 清異錄椒又名扁鵲銘

唐藪 胡辛 含九使者 本草綱目蜀椒一名巴椒

一名唐藪一名胡辛一名含九使者

昧履支 西陽雜俎胡椒出摩伽陀國呼爲昧履支

木叔 清異錄侯寧極藥譜木叔胡椒也

芴薺

鳧苳 爾雅芴鳧苳註生下田苗似龍鬚而細根如指

頭黑色可食按此卽烏芋也芴音曉

烏芋 本草綱目烏芋其根似芋而黑色鳧喜食之故

爾雅謂之鳧苳後遂訛爲鳧茨又訛爲勃齊

黑三棱 地栗 本草綱目烏芋一名黑三棱一名地栗皆形似也

西瓜

寒瓜 本草綱目西瓜一名寒瓜胡嶠陷盧記言嶠征回紇得此種歸名曰西瓜則西瓜自五代時始入中國亦甜瓜之類也又冬瓜亦名寒瓜

蒼玉餅 真珠船文文山西瓜吟云拔出金佩刀切破蒼玉餅千點紅櫻桃一團黃水晶

無漏子

千年棗 萬歲棗 海棗 波斯棗 番棗 苦魯麻

本草綱目無漏子一名千年棗一名萬歲棗言其樹性耐久也一名海棗一名波斯棗一名番棗言其種自外國來也番人名曰苦魯麻棗

金果 輟耕錄成都有金果樹實如棗而大每歲採數進獻番人名曰苦魯麻棗

蓮子

蒡藪 蒡藪 說文蓮荷實也一名蒡藪又名蒡藪
本草綱目名藕實一名蒡一名蒡

湖月 西陽雜俎湖自蓮子也

玉蛹 蘇軾詩不似荷花窠裏蜜方成玉蛹未成蜂按玉蛹謂蓮子也

白玉蟬 蘇軾詩綠玉蟬房白玉蟬折來帶露復含烟
按白玉蟬亦謂蓮子也

藕

茄 爾雅荷芙蕖其本萳其根藕疏蜀人以藕爲茄
光旁 詩疏藕幽州人謂之光旁

白藕 格物論藕荷根乃莖下白藕在泥中者

省事三 清異錄北戎出藕頗佳然止三孔用漢語轉
譯其名曰省事三

水丹芝 加實 雲笈七籤藕實一名水丹芝一名加
實

玉玲瓏 玲瓏腕 樹萱錄白蘋洲白衣女子吟曰藕

隱玲瓏玉花藏縹緲容故藕爲玉玲瓏又吳梅邨詩
千絲碧藕玲瓏腕

玉臂龍 清異錄崔遠家墅在長安城南就中襍池產
巨藕相傳爲襍寶又曰玉臂龍

雨草 北堂書鈔歲欲雨雨草先生藕是也

玉節 陶弼詩萬頃金沙裏誰將玉節栽按玉節謂藕
也

雞頭

荻 方音雞頭北燕謂之荻淮泗謂之荻

鵝頭 暖菱 說文荻一名鵝頭又名暖菱

雁頭 烏頭 古今注荻一名雁頭一名烏頭

雁啄 廣雅芡一名雁啄

鴈實 本草經雞頭一名鴈實

雞薤 卵蔭 為子 本草綱目芡莊子謂之雞薤

子謂之卵蔭陶宏景曰此即今為子也

水硫黃 孫公談圃芡甘滑可食名為水硫黃

雞珠 王世貞詩採得雞珠和蔭賣按雞珠即雞頭也

蔭

蕨據 芡實 爾雅蔭蕨據疏蔭一名蕨據楚人名蔭

曰芡本草謂之芡實

水栗 格物總論菱蔭也一名水栗

薺苳 說文菱秦謂之薺苳按爾雅薺苳乃決明之名

非蕨櫟也

沙角 本草綱目菱一名沙角

雁來紅 吳郡志雁來紅菱名又老少年亦名雁來紅

事物異名錄卷三十五

慈繄 厲靜菴先生荃 原輯

仁和 關晉軒先生槐 增纂

禽鳥部上

總名

飛肉 正字通禽鳥謂之飛肉太元經明珠彈於飛肉其得不復

杓窠 庶物異名疏宋太宗賜耶律休哥旗鼓杓窠印杓窠鷺鳥總稱以爲印綬取疾速之義

鳳凰

瑞應鳥 爾雅鷕鳳註瑞應鳥又格物論作應瑞鳥

事以異名

鷄火禽 揚冠子鳳凰者鷄火之禽陽之精也

鷄雞 淮南子執鶚雞于姑餘註鷄雞鳳凰之別名也

鷄鵲 博雅鷄鵲鳳也一云似鳳西方之鳥

鳥王 埤雅鳳神鳥也俗呼鳥王

廣昌 廣雅廣昌鳳別名

聖鳥 王充論衡講瑞鳳鳳鳥之聖者也

仁鳥 孫氏瑞應圖鳳凰仁鳥也

丹鳥 夢溪筆談少昊氏以鳳鳥至乃以鳥紀官所謂

丹鳥氏卽鳳也

百禽長 輟耕錄有人作鵬傳曰鳳凰爲百禽之長

瑞鷄 禽經鳳凰雖亦曰瑞鷄

鷺 楚辭騶玉虬以乘鷺兮王逸註鷺鳳別名也

足足 薛道衡文足足懷仁按足足鳳也說文鳳鳴節

節足足

靈鳥 郭璞鳳贊鳳凰靈鳥實冠羽羣

長離 相如大人賦前長離而後裔皇註長離鳳也

仙翰 唐太宗賦仙翰屈而復還按仙翰謂鳳也

瑞羽 袁淑桐賦儀丹邱之瑞羽按瑞羽謂鳳也

儀禽 張率舞馬賦均儀禽于唐序同獸舞于虞廷按

儀禽謂鳳也

百鳥尊 李商隱詩記取丹山鳳今爲百鳥尊

九苞禽 歐陽修詩何必九苞禽始能瑞堯庭按九苞

禽謂鳳也

鸞鷟 禽經青鳳鸞赤鳳鸞黃鳳焉白鳳鸞紫鳳鸞張
華註鳳之小者曰鸞鷟又本草綱目蔡衡云赤多者
鳳青多者鸞黃多者鸞

赭爾鳥 燉煌新錄赭爾鳥鳳凰種也以下鳳屬

鸛鵒 博雅鸛鵒鳳凰屬也

鸞

神雀 南史鸞鳥爲神雀禽經黃鳳爲鸞又埤雅青鳳
爲鸞雌曰和雄曰鸞

紅鳥 南史梁武帝紀海中有女官遣使獻紅席云此
草常有紅鳥居下故以爲名觀其圖狀則鸞鳥也

雞趣 禽經鸞瑞鳥也一曰雞趣首翼赤曰丹鳳青曰羽翔白曰化翼元曰陰翥黃曰土符

孔雀

文禽 格物總論孔雀文禽廣益諸州所產

越鳥 都護 增益經孔雀有九德一名越鳥又名都護

南客 談苑李昉名孔雀曰南客

摩由邏 事物紺珠孔雀梵書謂之摩由邏

偉鳥 鍾會孔雀賦有炎方之偉鳥

鵠

皐禽 露禽 禽經鵠以聲交而孕曰皐禽亦曰露禽

註露下則鶴鳴也

仙禽 胎禽 本草綱目鶴一名仙禽一名胎禽

胎仙 山堂肆考黃庭經以鶴爲胎仙

仙客 談苑李昉名鶴曰仙客又瓊花桂花皆名仙客
鳥仙 逸史李衛公遊嵩山見鶴伸吟曰我鳥仙爲樵
者所傷得人血則愈

陰羽 類書汲冢書目鶴曰陰羽以其愛陰而惡陽也
故易曰鳴鶴在陰

仙人騏驎 浮邱伯相鶴經鶴者陽鳥也胎化而產爲
仙人之騏驎

高潔鳥 爾雅翼鶴高潔之鳥也

青田翁 輟耕錄有人作鵬傳曰胎仙名鶴號青田翁
丹歌 秘閣閒談池州道士趙自然常爲詩曰丹歌時
引舞或問何爲丹歌曰鶴也

軒郎 清異錄韓中書俾舒雅作鶴賦有曰眷彼軒郎
治茲松府

九臯處士 清異錄武宗爲潁王時邸園畜禽獸之可
人者以繪十玩謂鶴爲九臯處士

還丹使 茅君傳鶴是九轉還丹使

赤頰 陰翬 正字通赤頰鶴別名又謂之陰翬

紫卿 佩楚軒客談潘昉字庭堅號紫崖有鶴字紫卿
素素 內觀日疏晁采有鶴名素素題詩繫足以寄其

夫

仙羽 錢起詩華亭養仙羽計日再飛鳴按仙羽謂鶴也

白雲司 白居易送鶴詩高籠提出白雲司

仙馭 薛能答賈支使寄鶴詩瑞羽奇姿跟踰形稱為仙馭過青冥

兵爪 西陽雜俎鶴左右腳裏第一指名兵爪 鶴指

華蟲 書山龍華蟲作繪註華蟲雉也

夏翟 書羽畎夏翟註夏翟雉名

疏趾 禮記雉曰疏趾

野雞 史記封禪書野雞夜雉註雉也呂后名雉改雉爲野雞

繡衣丈夫 北史後魏裴安祖行舍樹下有鷲鳥逐雉雉投樹而死安祖取置陰地護視得蘇放之夜夢一繡衣丈夫再拜謝德

原禽 山堂肆考雉性不處下濕故一名原禽

文禽 禽經雪封枯原文禽多死按雉有文采故亦名文禽

耿介禽 爾雅翼雉耿介之禽應義氣

野禽 宣和畫譜于錫善畫花鳥有雪梅雙雉圖雉野禽故作雪梅

迦頻闍羅 正字通梵書迦頻闍羅此云雉

介鳥 禽經雉介鳥也素質五采備曰翬雉青質五采
備曰鷩雉朱黃曰鷩雉白曰鷮雉元曰海雉又左傳
註雉有五種西方曰鷩東方曰鷮南方曰翟北方曰
鷩伊維之南曰翬按爾雅南方曰鷩與左傳註異又
張衡思元賦遇九臯之介鳥是鷩亦名介鳥

天翟 謝華啟秀天翟瑞雉也

鷩

鷩鷩 山雞 錦雞 采雞 金雞 本草綱目鷩名

鷩鷩儀容俊秀也與鷩同名山雞鷩大而鷩小與鷩
同名錦雞鷩文在綬而鷩在身以此爲異周逸書謂

之采雞亦曰金雞

螭螭 卓氏藻林螭螭卽山雞也

九苞奴 清異錄錦雉一名九苞奴謂其有文無德真鳳凰之奴隸

啞瑞 清異錄董天休木訥而衣冠甚麗一日有獻錦雉者于頔笑曰此物毛羽粲錯但鳴不中律呂亦啞瑞而已

鶴

山雞 本草綱目鶴居山林故名山雞大者爲鶴俗通呼爲鶴矣

鵠

綬鳥 埤雅綬鳥一名鵲食之甚美詩謂之青鵲以此
纓鳥 天中記纓鳥性樂若綬鳥是也

錦囊 錦帶功曹 正字通綬鳥俗謂之錦囊又名錦
帶功曹

避株鳥 吐錦雞 本草綱目吐綬鳥大如家雞項有
嚙囊內藏肉綬每春夏晴明則向日擺之頷下綬長
近尺紅碧相間踰時悉斂不見此鳥行避草木故禽
經謂之避株鳥食物本草謂之吐錦雞

真珠雞 倦遊雜錄巴峽中有吐綬雞以其羽毛有白
圓點又名真珠雞

天雞 文鵠 通志爾雅曰鵠天雞鵠音汗逸周書曰

蜀人獻文翰文翰者若翬雉按今有吐錦雞蓋雉類
惟蜀中有之仰日吐錦甚有文彩

孝雉 鳥獸續考綬雞生而反哺亦名孝雉

桐花鳥

綠毛么鳳 收香倒挂 探花使 霏雪錄桐花鳥即

東坡詞所謂倒挂綠毛么鳳也一名收香倒挂又名
探花使

白鵬

白翰 逸雅白鵬白翰也又爾雅註江東呼白翰亦名

白雉

閑客 談苑李昉名白鵬爲閑客又類書以白鵬爲閑

客

元素先生 清異錄武宗十玩圖白鵬爲元素先生

鸚鵡

鸚鵡 鸚哥 乾臯 臊陀 本草綱目鸚鵡大者爲

鸚鵡小者爲鸚哥師曠謂之乾臯枕書謂之臊陀

能言鳥 格物總論鸚鵡能言鳥

隴客 隴禽 談苑李昉名鸚鵡曰隴客又吳融詩隴

禽有恨猶能說

辯哥 清異錄武宗十玩圖鸚鵡謂之辯哥

綠衣使者 開元遺事明皇封鸚鵡爲綠衣使者

慧鳥 郭璞圖贊鸚鵡慧鳥又鸚鵡亦謂之慧鳥

靈禽 馴禽 異物志鸚鵡西域靈禽又名馴禽見西

南夷傳

綠朝雲 採蘭雜志河間王琛有妓曰朝雲善歌又有
綠鸚鵡善語朝雲每歌鸚鵡和之聲若出一琛愛之
號爲綠朝雲

翠哥 楊維禎六宮戲鸚鵡圖詩雕籠翠哥手擎出

雪衣娘 明皇雜錄開元中嶺南獻白鸚鵡頗聰慧洞
曉言辭上呼爲雪衣娘又陸龜蒙有雜題雪衣女詩
時樂鳥 酉陽雜俎明皇時有五色鸚鵡能言上令左
右試牽帝衣鳥輒瞋目叱咤張燕公有表賀稱爲時
樂鳥又臨海異物志作世樂鳥

戴蟬兒 阿蘇兒 武遊郎 鳳花臺 武仙郎 自
在先生 踏蓮露 多花子 幽怪錄柳歸舜自江南
抵巴陵爲大風吹至君山下維舟登岸見鸚鵡數千
相呼姓字有名戴蟬兒者有名阿蘇兒者有名武遊
郎者有名鳳花臺者有名武仙郎者有名自在先生
者有名踏蓮露者有名多花子者又山堂肆考皆作
鸚鵡別名有各村花娘子

木侯 鐵團山叢談西甌鸚鵡初丹喙中黑後丹雌名
木侯

鸚鵡

鵲鵲 禽經註鸚鵡山海經謂之鵲鵲

黥鳥 古今注鸛鵒亦名黥鳥一作元鳥

八哥 負暄雜錄南唐李主諱煜改鸛鵒爲八哥

八八兒 王虛中勸孝文鸛鵒亦曰八八兒

穴藏禽 爾雅翼劉向以爲鸛鵒穴藏之禽

花鵒 物類相感志鸛鵒教之語名花鵒

別別鳥 寒皐 本草綱目鸛鵒周禮作鵒鵒一名別

別鳥一名寒皐

乾鵒 交廣志乾鵒一名鸛鵒俗名八哥

秦吉了

了哥 本草綱目秦吉了卽了哥也出嶺南大如鸛鵒

紺黑色能效人言

結遼鳥 唐會要林邑國有結遼鳥謂之吉了鳥能人

語

點獠鳥 鐵圍山叢談結遼今呼獠爲點獠或卽以點
獠呼鳥

漢禽 聞見錄瀘南有畜秦吉了者能人言有夷酋欲
以錢三十萬買之其人告以貧將賣爾秦吉了曰我
漢禽不願入夷中遂不食而死

情急了 謝氏詩源昔有丈夫與女子相愛以書札相
通皆憑一鳥往來此鳥殊解人意至期忽對女子喚
曰情急了因名此鳥爲情急了

子規

舊周 杜宇 怨鳥 禽經舊周子規也江左曰子規
蜀右曰杜宇 甌越曰怨鳥

杜鵑 鷓鴣 鷓鴣 本草綱目蜀人見鵑而思杜宇
故呼杜鵑 諺云陽雀叫鷓鴣者是矣按鷓鴣亦作鷓
鷃 揚雄反騷作鷓鴣

鷓鴣 冤禽 格物論子規一名鷓鴣一名冤禽

望帝 寰宇記蜀之後主名杜宇號望帝讓位鵲靈望
帝自逃後欲復位不得死化為鵲每春月間晝夜悲
鳴蜀人聞之曰我望帝魂也

謝豹 成都舊事昔有人飲於錦城謝氏其女窺而悅
之其人聞子規啼心動卽謝去女恨甚後聞子規啼

則怔忡若豹鳴使侍女以竹枝擊之曰豹汝尚敢至
此啼乎故名子規爲謝豹

田鵲 臨海異物志鵲鵲一名田鵲

鵲鵲 廣雅鵲鵲子規也又鵲鵲亦作買鏡

姊歸 子鵲 秭歸 楊慎外集子規史作姊歸說文

作子鵲華陽國志作秭歸

思歸鳥 留青日札子規爲催春歸去之鳥蓋因其聲
曰歸去了故又名思歸鳥

蜀魂 李中詩莊夢斷時燈欲燼蜀魂啼處酒初醒

峽禽 范成大詩峽禽惟杜鵑血吻日夜啼

鵲鵲

越雉 懷南 逐影 禽經隨陽越雉鷓鴣也飛必南

者晉安曰懷南江左曰逐影又逐影亦作逐隱

內史 花豸 採蘭雜志鷓鴣一名內史一名花豸又
花豸亦作花廋中書亦名內史

山鵠 羅浮志遇暖則相對而啼謂之山鵠

鵠 薄杜 正字通鷓鴣一名鵠多鳴自號薄杜今俗
言鳴云鉤輶格磔行不得也哥哥

南禽 蠻禽 韋莊鷓鴣詩南禽無侶似相依錦翅雙
雙傍馬飛又陸游詩鉤輶格磔蠻禽悲

鉤輶 林逋詩雲木叫鉤輶註鷓鴣自呼也

陽鳥、書陽鳥攸居傳隨陽之鳥謂鴈也

智禽 抱朴子智禽銜蘆以避繒按謂鴈也

翁雞 沙鶉 鷹 禽經鴈一名翁雞一名沙鶉一名

鷹

鳴鷺 鷓鴣 博雅鴈或謂之鳴鷺或謂之鷓鴣

書空匠 清異錄冷金亭分賦秋鴈族子敞云天掃閑

雲秋淨時書空匠者最相宜

知時鳥 霜信 正字通鴈知時鳥也河北人謂之霜

信以霜降前鴈來故名

朱鳥 天厭 正字通鴈法言謂之朱鳥道家謂之天

厭

鵒 鵒 僧婆 本草綱目鵒鵒並音鴈冬則適南集于山千故字從千春則向北集于山岸故字從岸小者曰鴈大者曰鴻梵書謂之僧婆

朔禽 謝靈運山居賦朔禽避涼註鴈也

塞禽 王褒出塞曲塞禽惟有鴈關樹但生榆信禽 郝經鴈媒詩信禽乘天運斷不爲炎涼

鴻

月鷺 雲笈七籤鴻一名月鷺

殊翁 山堂肆考殊翁卽鴻鴈言文采之殊異也

鵒

大鷺 本草綱目鵒一名天鷺按爾雅翼鵒卽鵒音之

轉後人以鵠名頗著謂鵠之外別有所謂鵠故埤雅
既有鵠又有鵠今分爲二

烏孫公主 採蘭雜志黃鵠一名烏孫公主

燕

元鳥 禮記仲春之月元鳥至註元鳥燕也

白脰鳥 爾雅燕白脰鳥

天女 採蘭雜志昔有燕入人家化爲一小女子自言
天女故至今名燕爲天女又蓮花亦名天女

青衣童子 太平廣記後魏元道康齋前有雙燕爲巢
一日化爲青衣童子語曰今我便歸無以留別言訖
復爲雙燕飛去

意而 鄉嬛記周穆王迎意而子居靈卑之宮訪以全
道後欲以爲司徒意而子愀然不悅奮身化爲元鳥
飛入雲中故後人呼元鳥爲意而又意而莊子作鷦
鷯

意怠 庶物異名疏意怠元鳥也莊子東海有鳥名意
怠

游波 本草綱目燕能興波祈雨故有游波之號

乙鳥 本草釋名燕一名乙鳥

元乙 謝華啟秀元乙燕也

天鵠 何宗彥東宮儲學賦天鵠旣至倉庚載鳴廣雅
齊魯呼燕爲鵠

烏衣 王逢無家燕詩昔本烏衣君今學南冠囚又張
養浩詩卧看烏衣葺舊巢

乙禽 戴表元四明山中逢晴詩茅簷西日乙禽來按
謂燕也

夏侯 本草經陶隱居曰燕有越燕胡燕俗呼胡燕爲
夏侯 胡燕

舍鵲兒 婁元禮田家雜占紫燕名曰舍鵲兒又名黃
腰燕子 紫燕

雀

家賓 古今注雀一名家賓言棲宿人家如賓客又家
賓或作嘉賓

馬婦鳥 彙苑詳註雀俗呼爲馬婦鳥

瓦雀 麻雀 正字通雀依人小鳥也俗以其息宿堂

簷間呼爲瓦雀亦曰黃雀麻雀

憑霄 拾遺記舜葬蒼梧野有丹雀名憑霄羣飛銜土成墳

王母使臣 續齊諧記楊寶嘗見一黃雀爲螻蟻所困寶食以黃花百餘日毛羽成放之後有黃衣童子拜曰我王母使臣間爲鵩梟所搏賴君拯濟以四白環與寶曰令君子孫潔白登三公

上卿侯 酉陽雜俎張堅少不羈常張羅得一白雀愛而養之後封白雀爲上卿侯

青喜 清異錄李正己被囚執夢云青雀噪卽報喜也
是旦果有羣雀啁啾色皆青蒼至今李族居淄青者
呼雀爲青喜

白丁香 陶隱居本草雀屎名白丁香

雀屎

鷦鷯

桃蟲 詩疏桃蟲今鷦鷯是也

工雀 過羸 桑飛 襪雀 鷦鷯 布母 方言鷦

鷯自關而東謂之工雀或謂之過羸自關而西謂之
鷦鷯或謂之桑飛或謂之襪雀又名鷦鷯江東呼布
母按爾雅鷦鷯鷦鷯此以鷦鷯爲鷦鷯似非

蒙鳩 黃脰雀 本草綱目鷦鷯一名蒙鳩俗名黃脰

雀

鷦鷯 鴝鵒 正字通鷽鷽即鷽鷽又名鴝鵒皆一聲之轉同物異名

剖葦 蘆虎 爾雅鴝鵒剖葦註似雀青斑長尾好剖葦皮食其中蟲故又名剖葦江東呼蘆虎

桃雀 巧婦 女鷽 巧雀 巧女 禽經註鷽鷽桃雀也狀類黃雀而小燕人謂之巧婦亦謂之女鷽關東人呼曰巧雀亦謂之巧女

啁噍 呂氏春秋啁噍巢於林不過一枝註啁噍小鳥也按即鷽鷽也

鷽

乾鵲 鳩鵲 格物總論鵲聲吉多而凶少故俗呼喜鵲古所謂乾鵲一名鳩鵲

飛駁 逸雅張華陶宏景皆謂鵲爲飛駁以其色雜也
神女 古今注鵲一名神女以赤帝女成仙化作故名神女

喜奈何 清異錄漢蒙州刺史龍驍武人父名碯諱之郡人呼鵲曰喜奈何

芻尼 許彥周詩話記人作七夕詩押潘尼字衆人竟和無成詩者後因讀藏經呼喜鵲爲芻尼乃知讀書不厭多

練鵲

帶鳥 天中記帶鳥性仁練鵲是也

壽帶鳥 禽經練鵲俗名壽帶鳥似鵲而小頭上披一
帶

拖白練 事物紺珠練鵲尾長色白又名拖白練

山鵲

鶯 雉 山鷓 赤嘴鳥 本草綱目山鵲狀如鵲而
鳥色一名鶯一名雉一名山鷓一名赤嘴鳥有文采
如戴花勝人名戴鶯戴鵲按戴鶯戴鵲即戴勝方言
謂是鴈鳩綱目謂是山鵲或云即鵲嘲也皆非定論
今另列戴勝於後

鶯

倉庚

鷺黃

搏黍

楚雀

黃鸝

黃栗留

黃伯

勞

詩疏黃鸝一名倉庚一名鷺黃齊人謂之搏黍周

人謂之楚雀爾州謂之黃鸝秦人謂之黃栗留淮人

謂之黃伯勞又倉庚爾雅作商庚黃鸝呂氏春秋作

黃離黃栗留方言作黃離留函史作黃栗流

青鳥

左傳青鳥氏司啟者也註鵲鵲也以立春鳴立

夏止又丹鉛錄作鵲鵲

鷓鴣

鷓庚

格物總論鷓一名鷓鴣一名鷓鴣

澤雉

禽經澤雉啼而麥齊註澤雉爲商庚春季之鳥

始鳴麥平隴也

水鴉兒

說鈴關內呼黃鸝爲水鴉兒

黃鳥 黃袍 本草綱目鶯一名黃鳥或謂之黃袍

黃公 庶物異名疏詩傳黃鳥東坡謂之黃公

黃鸝 謝華啟秀幽州人目黃鸝爲黃鸝

金衣公子 紅樹歌童 開元遺事明皇禁苑中黃鸝

呼爲金衣公子又呼爲紅樹歌童

含櫻鳥 庾信詩樹宿含櫻鳥註鶯也

鴉鵂 漱糠鳥 玉篇鴉鵂黃鳥山堂肆考黃鴉形似

百舌好鳴叢林間又名漱糠鳥

傳信鳥 六帖處士元藏機有二鳥類黃鸝每呼之卽

至或令投人謂之傳信鳥

百舌

反舌、望春、喚起、喚春、山堂肆考百舌又名反舌、一名望春、一名喚起、江南人謂之喚春、又催明鳥、亦名喚起、

鷓鴣、通雅鷓鴣反舌也、又通俗文白頭鳥亦名鷓鴣、牛屎喇哥、舍羅、本草綱目反舌今俗呼爲牛屎喇哥、爲其形似鷓鴣而氣臭也、梵書名舍羅

報春鳥、顧渚山茶記有鳥如鷓鴣色蒼、每至正二月作聲云春起也、三四月云春去也、採茶者呼爲報春鳥、又名喚春鳥

懷春鳥、劉孝綽百舌詩復值懷春鳥、枝間弄好音、春鳥、陸游詩說與春鳥自在啼、自註江南謂百舌爲

春鳥

翠碧鳥 宋祁方物記百舌毛采翠碧蜀人多畜之云
翠碧鳥

鵲鵲

批鵲 催明鳥 隔墜雞 丹鉛總錄批鵲卽鵲鵲催
明之鳥也俗名隔墜雞

烏白 鴉白 駕犁 榨油郎 鐵鸚鵡 鳳凰阜隸

夏雞 本草綱目鵲鵲訛爲批頰江東曰烏白又曰
鴉白三月卽鳴俗呼駕犁農人以爲候滇人呼爲榨
油郎亦曰鐵鸚鵡能啄鷹鵠烏鵲南人呼爲鳳凰阜
隸汴人呼爲夏雞

鷓鴣 鷓鴣 烏鴒 爾雅鷓鴣鷓鴣註小黑鳥江東
名爲烏鴒按本草綱目鷓鴣卽烏白鴒白俗謂之鴒
梨五更輒鳴至曙乃止古有催明鳥名喚起者卽此
是鷓鴣與鷓鴣爲一故合之

烏鴒 附鴒舅

慈鴒 雅鴒 正字通純黑反哺者謂之烏小而腹下
白不反哺者謂之鴒今俗呼反哺者爲慈鴒亦謂之
雅鴒

慈鴒 寒鴒 本草綱目鳥名慈鴒亦名寒鴒

孝鴒 禽經慈鴒曰孝鴒

黑鴒 夏小正七月黑鴒浴註黑鴒鳥也浴謂乍上乍

下也

祥禽 吉鳥 善禽 晉書成公綏傳時有孝鳥集其廬舍綏謂有反哺之德以爲祥禽作賦美之又其賦序云以其反哺識養故爲吉鳥又云鳥善禽而吾嘉焉

賈鳥 續博物志鴉鳥爲賈鳥莊子曰鴉賈也

卑居 說文鴉楚鳥也一名鴛一名卑居秦謂之雅兒卑居或作鴛鴦

鴛斯 鴨鳥 爾雅鴛斯鴨鴝註小而多羣腹下白江東呼爲鴨鳥

大鶩鳥 正字通鴉以白項者爲不祥俗呼老鴉亦名

大鶯鳥

鬼雀 格物總論鴉之種類亦繁有大喙及白頸而不能反哺者南人謂之鬼雀鳴則凶咎

黑鳳凰 清異錄禮部郎康凝畏妻妻嘗病求烏而積雪未消難以紉捕妻大怒凝涉泥出郊用粒食引致一枚同省劉尙賢戲之曰聖人以鳳凰來儀爲瑞君獲此免禍可謂黑鳳凰矣

蘄州鬼 藁苑詳註王元之移蘄州聞啼鳥問其名或對曰此名蘄州鬼

烏鬼 楊慎外集峽中養鴉雛帶銅錫環獻神名曰烏鬼

蘇弗多羅 法苑珠林波羅奈國鳥名曰蘇弗多羅、
拘耆遊 赤喙鳥喻經有鳥名拘耆遊

江蚺殼 續癸辛雜識承平時貴家以鳥爲江蚺殼外
具細紋而色似真每宴集則以此供客

畢逋 何夢桂春日過湖詩半樹斜陽噪畢逋按畢逋
謂鳥也

善警 禽經鳥之巨觜者善避矰弋彈射曰善警

鴉兢 廣博物志鴉舅似鴉而小黑色背邊有毛甚勁
能逐鴉鴉見避之一名鴉兢鴉舅

鳩

不噎鳥 續漢儀注民年七十者授以玉杖端以鳩爲

飾鳩者不噎之鳥欲老人不噎也

壹宿鳥 荆鳩 楚鳩 鴉鳩 鵲鳩 鵲鳩 鷓鴣

鷓鴣 山堂肆考祝鳩一名鵲壹宿之鳥謂壹於所

宿之木也一名荆鳩一名楚鳩一名鷓鴣一名鵲鳩

一名鷓鴣一名鷓鴣梁宋之間謂之鵲又左傳註祝

鳩鷓鴣也以下祝鳩

鵲 鵲 鵲 廣志楚鳩一名鵲鵲水經注楚鳩一名

鵲

鵲 鵲 詩疏鵲其今小鳩也一名鷓鴣南州人

謂之鷓鴣

鷓其 鷓鷃 方言鷓其鷓鴣謂之鷓鷃或作鷓臯

鳩 爾雅翼詩曰翩翩者騅毛傳云騅鳩也又鳩
鴝或作夫不

鵲鳩 斑鳩 錦鳩 格物論祝鳩一名鵲鳩一名斑
鳩本草綱目斑鳩一名斑佳一名錦鳩一名鵲鳩按
卑雅鵲鳩灰色無繡項斑鳩項有繡文斑然則是鵲
鳩與斑鳩有異也陸璣詩疏鵲鳩一名斑鳩

舖鼓 鵲姑 勃姑 步姑 正字通鳩舖鼓玉篇作
舖鼓逸雅曰即鵲鳩俗譌呼鵲姑又謂勃姑又謂步
姑又六書故謂勃姑步姑布穀也

黃褐侯 正字通青騅狀如鳩綠褐色一名黃褐侯本
草掌禹錫云斑鳩春分化爲黃褐侯秋分化爲斑騅

又斑鳩或作鴝鳩黃禍侯或作黃禍侯

鴝鳩 布穀 獲穀 爾雅鴝鳩鴝鳩註今之布穀也

江東呼爲獲穀又鴝鳩或作桔鞠以下鴝鳩

擊穀 桑鳩 詩疏梁宋之間謂布穀爲擊穀一名桑

鳩

買銳 漢書揚雄傳註布穀一名買銳蓋聞其聲則思

買銳鋪以布穀也又鴝鳩亦名買銳卽子規也

鴝鷃 韻府鴝鷃鳥名布穀也

穀公 撥穀 本草別錄布穀亦曰穀公北人名撥穀

搏黍 埤雅鴝鷃結鞠一名搏黍又鶯亦名搏黍

拙鳥 禽經註鴝鷃蜀謂之拙鳥不善營巢取鳥巢居

之、

看蠶看火鳥 郭公鳥 戒菴漫筆布穀鳥當四五月

插秧時自呼其名如云郭公郭婆又如云看蠶看火
今人遂稱爲看蠶看火鳥亦稱郭公鳥、

織紵鳥 禮記戴勝降于桑註戴勝織紵之鳥、以下附

鵲鵲 廣雅鵲鵲戴勝也、

戴勝 埤雅戴勝一名戴勝頭上有毛花成勝故曰戴

勝男事興而布穀鳴女功興而戴勝鳴按此則知戴
勝非卽鵲鵲矣、

鵲鵲 唐韻鵲鵲戴勝別名

鵲鵲 正字通鵲鵲今呼戴勝本草李時珍曰鵲鵲音

匹及轉爲批頰按批頰卽鷦鷯催明之鳥與戴勝有別

鷦鷯 戴南 戴鷦 服鷦 鷦鷯 方言鷦鷯燕之
東北朝鮮列水之間謂之鷦鷯自關而東謂之戴鷦
東齊海岱之間謂之戴南或謂之鷦鷯或謂之戴鷦
自關而西謂之服鷦或謂之鷦鷯按戴鷦戴鷦卽戴
勝也廣雅鷦鷯戴勝則鷦鷯服鷦鷦鷯亦爲戴勝可
知自禽經以鷦鷯爲戴勝方言遂仍其誤故所列皆
戴勝別名今攷正採入於此惟鷦鷯爾雅別是一鳥
旣非鷦鷯亦非戴勝也

鷦鷯 鷦鷯 爾雅鷦鷯鷦鷯註似山鷦而小短尾青

黑色多聲今江東亦呼爲鶻鳩按嚴粲詩緝鶻鳩非
斑鳩則斑鳩似非祝鳩亦非鶻鳩當別自一種以下
鶻嘲埤雅鶻鳩喜朝鳴故又名鶻嘲

阿鶻本草綱目鶻嘲一名阿鶻

鶻鳩鳴鳩嚴粲詩緝鶻鳩鶻鳩也小宛之鳴鳩堪
食桑椹之鳩是也按本草綱目以鳴鳩爲布穀鳴乃
鶻字之訛禽經方言謂卽戴勝並非

鷓鴣鳥嘉祐本草鶻嘲一名鷓鴣鳥

突厥雀冠雉本草綱目高宗時突厥犯塞有鳴鷓
羣飛入塞邊人驚曰此鳥一名突厥雀南飛則突厥
必入寇已而果然此卽爾雅鷓鴣冠雉也附鷓鴣

鵲鳴

求旦鳥 禮記鵲旦不鳴註鵲旦求旦之鳥也

盍旦 渴旦 鴽旦 鵲旦 庶物異名疏坊記篇註

盍旦夜鳴求陽之鳥也月令作鵲鳴或作渴旦鹽鐵論作鴽旦說文作鵲鳴

定甲 獨春 城旦 倒懸 鵲鳴 方言鴽旦周魏齊宋楚之間謂之定甲或謂之獨春自關而東謂之城旦或謂之倒懸或謂之鵲鳴

寒號蟲 本草綱目曷旦夏月毛采五色鳴曰鳳凰不如我冬月毛落忍寒而號曰得過且過故曰寒號蟲其矢卽五靈脂